

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj
OPĆINSKI NAČELNIK



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
Maglaj Municipality
MAYOR

Broj: 07-40-4-1027/26
Datum: 15.05.2026. godine

INFORMACIJA

o stanju zaštite od požara i vatrogastva u općini Maglaj
u 2025. godini

Maglaj, maj 2026. godine

UVOD

Zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih i drugih nesreća u kantonu, koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća („Službene novine Zeničko-dobojskog kantona“, broj: 9/08), pa se radi toga zaštita od požara i vatrogastvo organiziraju i funkcioniraju u okviru tog sistema, a vrši se na način predviđen ovim Zakonom.

Zaštita od požara (*u daljem tekstu: ZOP*) obuhvata skup mjera i radnji upravne, organizacijske, stručne, tehničke, obrazovne i propagandne prirode, koje se poduzimaju u cilju sprječavanja izbijanja i širenja požara, njegovog otkrivanja, te zaštite ljudi, biljnog i životinjskog svijeta, materijalnih, kulturnih, historijskih i drugih dobara i okoliša.

Vatrogastvo obuhvata skup mjera i radnji upravne, organizacijske, stručne, kadrovske, tehničke, obrazovne i propagandne prirode, koje se poduzimaju u cilju gašenja požara i spašavanja ljudi i materijalnih dobara ugroženih požarom, te predstavlja poseban javni interes za Općinu.

Osnovni nosilac organiziranja i provođenja zaštite od požara je Općina, kao jedinica lokalne samouprave i Kanton koji je odgovoran za ta pitanja na području kantona.

Organizacija i funkcioniranje ZOP-a na području općine, utvrđuje se u Planu zaštite od požara općine, koji donosi Općinsko vijeće, a na prijedlog Općinskog načelnika.

Sva pravna i fizička lica su dužna izvršavati zadatke utvrđene u Planu zaštite od požara.

1. STRUKTURA I STANJE OPREMLJENOSTI U PROFESIONALNOJ VATROGASNOJ JEDINICI

Profesionalna vatrogasna jedinica (*u daljem tekstu: PVJ Maglaj*) je obrazovana u okviru Službe civilne zaštite Općine Maglaj. U PVJ Maglaj je uposleno 15 vatrogasaca.

Opremljenost PVJ Maglaj treba biti takva da omogućava uspješno obavljanje vatrogasne djelatnosti. Izbor opreme i sredstava zavisi od Procjene ugroženosti od požara i Plana zaštite od požara općine.

Vatrogasna vozila sa kojim raspolaže Profesionalna vatrogasna jedinica:

- a) Navalno vozilo za brzo gašenje požara (sa pripadajućom opremom)
VOLVO FL 614
- b) Navalno vozilo MAN sa pripadajućom opremom
- c) Navalno vozilo za brzo gašenja požara (sa pripadajućom opremom)
RENAULT BA03X2
- d) Vozilo za tehničke intervencije u saobraćajnim nesrećama (sa pripadajućom opremom)
FORD RANGER
- e) Teretno vozilo Mercedes (daimler-benz)
- f) Terensko/teretno vozilo AMAROK

Napominjemo da ne raspolažemo vozilom za teške terene tako da nismo u mogućnosti efikasno obavljati zadatke na šumskim požarima i terenima koji su veoma nepristupačni u slučaju drugih nesreća.

Potrebno je hitno nabaviti terensko vozilo za ove namjene, kao i komandno vozilo koje bi se koristilo i za druge potrebe PVJ, kao što je obilazak terena, za servis PP aparata, prebacivanje vatrogasaca sa terena na teren u toku požara i sl.

U 2025. godini je nabavljeno vatrogasno vozilo sa cisternom od 7 tona MAN sa pripadajućom opremom.

Sva vatrogasna vozila, osim terenskog vozila AMAROK i MAN (vlasništvo Općine), su u vlasništvu Dobrovoljnog vatrogasnog društva iz Maglaja i data su na korištenje PVJ Maglaj. Vozilo za tehničke intervencije Ford Ranger je u vlasništvu Kantonalne uprave civilne zaštite i dato je na služenje u PVJ Maglaj.

Od ostale opreme i materijalno tehničkih sredstava PVJ Maglaj posjeduje:

- opremu za operacije na vodi (gumeni čamac sa pratećim kompletom opreme za spašavanje na vodi, 2 komada),
- opremu za proizvodnju energije i rad noću (agregat, 2 kom.),
- opremu za pumpanje vode,
- zaštitnu opremu prilikom gašenja požara u prostorima i podrumima (izolacijski uredaji-dišni parati),
- visokotlačna benzinska pumpa,
- vitlo sa visokotlačnom cijevi,
- spremnik vode,
- pištolj mlaznica.
- prenosna hidraulična pumpa,
- hidraulični sjekač s priključkom na jednostruko crijevo,
- zračni jastuk za dizanje tereta,
- boca za komprimirani zrak,
- razupora hidraulična teleskopska sa priključkom na jednostruko crijevo,
- ostalu opremu.

2. RAD PROFESIONALNE VATROGASNE JEDINICE

Pripadnici PVJ Maglaj su dali svoj maksimalni doprinos kada su u pitanju izlasci na intervencije. Sve intervencije su obavljene uspješno. Niko od zaposlenih u PVJ Maglaj nije povrijeđen prilikom gašenja požara i obavljanja drugih intervencija.

U vremenskom periodu od 01.01.2025. do 31.12.2025. godine bilo je ukupno 115 intervencija svih vrsta. Požarnih intervencija je bilo 87, a tehničkih intervencija (izvlačenje povrijeđenih u saobraćajnoj nesreći, nasilno otvaranje vrata, spašavanje životinja, ispušavanje vode, uklanjanje prepreka na otvorenom, izvlačenje utopljenika itd.) je bilo 28 (Tabela 1).

2.1. PREVENTIVNA ZAŠTITA

Stalnim obilaskom firmi, javnih ustanova i mjesnih zajednica na području Općine Maglaj i stalnim upozorenjima na opasnost od požara u objektima i prirodnoj sredini znatno je smanjen broj požara. Našim preventivnim obilascima stambenih objekata konstatovano je da 60% njih ne posjeduje osnovna sredstva za gašenje početnih požara (PP aparati), što predstavlja veliki problem u gašenju i koji se mogu suzbiti u početnoj fazi i tako smanjiti moguće veće štete. Uzimajući u obzir najčešće uzroke požara na otvorenom prostoru potrebno je sprovoditi sljedeće mjere samozaštite:


- provoditi mjere opreza sa vatrom prilikom obavljanja proljetnih radova, čišćenje poljoprivrednih, šumskih i drugih površina u državnom i privatnom vlasništvu,
- paziti na opasnosti ugrožavanja ljudskih života i imovine, koje mogu biti ugroženi nepropisnim loženjem vatre na otvorenom prostoru,
- zaštita od požara se mora provoditi na svim mjestima koji mogućim opasnostima od požara ugrožavaju ljudske živote.

Svaki pojedinac ima obavezu da vodi računa da svojim postupcima ne izazove požar i dovede u pitanje život drugih lica ili imovinu drugih vlasnika.

Tabela 1. Tabela prikaz ukupnog broja intervencija svih vrsta

Vrste intervencija	Požarne intervencije					Tehničke intervencije	UKUPNO
	Šuma	Kontejneri	Odžaci	Stambeni i dr. objekti	Ostale obradive i neobradive površine		
Januar	-	2	3	3	-	2	10
Februar	-	5	9	-	2	3	19
Mart	-	1	3	1	3	3	11
April	1	-	3	1	7	1	13
Maj	-	-	-	6	-	1	7
Jun	-	-	2	2	1	4	9
Juli	-	-	1	2	2	3	8
August	-	-	-	5	-	1	6
Septembar	-	1	-	3	-	3	7
Oktobar	-	-	-	1	-	1	2
Novembar	-	-	2	1	1	5	9
Decembar	-	6	2	5	-	1	14
UKUPNO	1	15	25	30	16	28	115

Grafički prikaz ukupnog broja intervencija svih vrsta u 2025. godini



U 2025. godini smo imali manji broj intervencija u odnosu na 2024. godinu.

Najviše je bilo požarnih intervencija u mjesecu februaru, a najmanje u oktobru. Uzroci požara su uglavnom bili: neispravna instalacija, prirodna pojava (udar groma, visoke temperature, jak vjetar), ljudski faktor i dr.

Na području naše općine je bilo mnogo požara manjeg obima (25 požara na odžacima) te je povećan broj tehničkih intervencija koje su nastale kao posljedica snježnih padavina. S druge strane, požari na šumskim i poljoprivrednim zemljištima zahvataju velike površine pa je samim time bilo angažovano i više ljudstva. Nerijetko se u akcije gašenja požara uključivalo i mjesno stanovništvo, vatrogasci iz susjednih općina te dobrovoljci. Ova vrsta požara se najčešće javlja u vremenskom periodu proljeće-ljeto, koja nastaje kao posljedica spaljivanja korova. Najčešći uzrok požara na šumskom i poljoprivrednom zemljištu je ljudski faktor.

S obzirom da je JP Šumsko privredno društvo (ŠPD) ZDK najvećim dijelom nosioci prava gospodarenja šumama i šumskim zemljištem, dužni su aktivirati interventnu grupu za gašenje požara, obezbijediti sredstva protivpožarne zaštite za gašenje požara, izvršiti protivpožarni prosjek itd.

U vremenu od 01.01.2025. godine do 31.12.2025. godine servisirano je 495 PP aparata, vršen je preventivni obilazak poslovnih subjekata u gradu, gdje još ima objekata koji ne servisiraju redovno PP aparate u skladu sa članom 33. Zakona o zaštiti od požara i vatrogastva (Službene novine ZE-DO kantona broj: 05/11), a dužni su vršiti servis i periodični pregled aparata svakih 6 mjeseci. Urađeno je 30 zapisnika o obavljenom servisu i pregledu PP aparata, urađeno 30 faktura za servis PP aparata.

PVJ je izlazila na obezbjeđenje za vrijeme održavanja sportskih događaja, vjerskih manifestacija, raznih kulturnih događaja i drugih vidova obezbjeđenja na području općine Maglaj. Ukupno je vršeno obezbjeđenje na 15 događaja.

3. PRIJEDLOG MJERA ZA POBOLJŠANJE STANJA U OBLASTI ZAŠTITE OD POŽARA I VATROGASTVA (ZOPV)

U cilju poboljšanja stanja i poduzimanja preventivnih mjera u oblasti zaštite od požara i vatrogastva potrebno je :

- ✓ adekvatno opremanje pripadnika PVJ sa radnom, zaštitnom i vatrogasnom opremom,
- ✓ sanacija zgrade vatrogasnog doma,
- ✓ popunjavanje kadrova u PVJ Maglaj te adekvatno obučavanje i osposobljavanje,
- ✓ održavanje sistema komunikacijskih veza i nabavka modernijih mobilnih i prenosnih uređaja,
- ✓ u svim pravnim licima gdje postoji opasnost od požara i eksplozija sprovesti sistem zaštite od požara,
- ✓ inicirati da se u svim stambenim objektima postave aparati za početno gašenje požara i da se isti redovno servisiraju,
- ✓ na području Novog Šehera kraju obezbijediti prostor za smještaj opreme i sredstava te osposobiti nekoliko ljudi koji bi u svakom trenutku mogli interventno djelovati u slučaju požara,
- ✓ sankcionisati neodgovorne pojedince koji svojim postupcima ugrožavaju svoju ali i tuđu imovinu (prilikom paljevine korova, otpada i drugog gorivog materijala),
- ✓ edukacija učenika u osnovnim i srednjim školama iz oblasti zaštite od požara i vatrogastva.

Jedan od najbitnijih segmenata u oblasti ZOPV jeste snabdijevanje vodom. Voda je uvijek bila osnovno sredstvo za gašenje požara te moramo težiti ka razvijanju hidrantske mreže i stavljanju iste u prvobitnu funkciju. Posebnu pažnju treba obratiti na vanjsku hidrantsku mrežu (u urbanom dijelu i prigradskim naseljima) koja je u lošem stanju. Pregled stanja i održavanje hidrantske mreže je u nadležnosti KJD d.o.o. Maglaj. Posebnu pažnju treba obratiti na hidrante u Starom gradu, gdje je pristup objektima izuzetno težak zbog strmih i uskih ulica te prenaseljenosti. Prolaz vatrogasnim vozilima je na mjestima skoro nemoguć. Predlažemo ugradnju nekoliko hidrantskih sandučića na najvišim dijelovima Starog grada.

Da bi sistem ZOPV što bolje funkcionisao potrebno je voditi računa o dodatnim snagama koje bi se uključile u sistem ZOPV. U Maglaju postoji registrovano Dobrovoljno vatrogasno društvo (DVD). U toku 2025. godine DVD Maglaj je vršio obuku i osposobljavanje mladih dobrovoljaca kako bi nakon zakonski propisanog perioda mogli polagati stručni ispit te biti na raspolaganju prilikom gašenja požara.

U 2025. godini je izvršena provjera ispravnosti sistema komunikacijskih veza (radio veza, mobilne i bazne stanice, repetitor), zamjena dotrajalih i ugradnja novih dijelova opreme.

Zaštita od požara se mora provoditi i organizovati na svim mjestima, prostorima i objektima. Svaki pojedinac treba da vodi računa da svojim postupcima ne izazove požar i na taj način ugrozi svoj i život drugog lica te imovine.

OBRADIVAČ:
Husein Husanović



KONTROLIRAO:
Anto Maglica



DOSTAVLJENO:

1. Općinsko vijeće
2. a/a



OPĆINSKI NAČELNIK

Maad Suljaković